



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

Caput 42.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

haberent. Post decem annos Britannia rebellantes, ab Asclepiodoro recepta. Iuxta Lingonas à Constantio Cæsare sexaginta millia Alamannorum caesa. Paulatim decimam illo tempore persecutionem aduersus Christianos incipiens prælio Galerius superior, Narseo, vxoribus, ac liberis, sororibusq; eius captis à Diocletiano ingenti honore suscipitur. Thermæ Romæ à Diocletiano facta. Diocletianus & Maximianus Augusti insigni pompa Romæ triumphauerunt. Nouendecim annis Diocletiano regnante quatuor * Sedum cum populo, eodem iubente subuersi sunt. Secundo anno persecutionis Diocletianus & Maximianus Mediolani purpuram deposuerunt. Maximianus & Seuerus à Galerio Maximiano Cæsares facti. Constantius XV I. imperij sui anno diem obiit in Britannia.

b. Maximinus

Caput 42.

Romanorum XXXIII regnauit CONSTANTINVS XXX. annos, menses decem. Constantinus Bizantium ciuitatem miræ magnitudinis amplauit, & gloriose construxit: quam sui nominis Constantinopolim appellari iussit. Constantinus cum matre Helena Crucem Domini nostri Iesu Christi Hierosolymis inuenit, effectusq; est Christianus ab Helena. Crux Domini Hierosolymis fabricatur & stabilitur. Constantinus per signum crucis omnes gentes superat. Seuerus Cæsar à Galerio Carnoti cum Galliam regeret, imperator factus. Galerius Maximianus moritur. Constantinus filius Constantini Cæsar factus. Herculus Maximianus à filia Fausta detectus, quod dolum Constantino viro suo pararet, Massiliam fugiens occiditur. Galerius Maximianus moritur. Crispus & Constantinus, filius Constantini & Licinius adolefcens Licinij Augusti filius, Constan-

Constantini ex sorore nepos e quem cum Crispus & Lactantius Latinis literis erudit. Constantinus filius Constantini Caesaris & Liciniae filius crudelissime interficitur. Edicto Constantini gentilium templa subuersa sunt. Romani Gothos in Sarmatarum regione vicerunt. Constans filius Constantini prouectus ad regnum. Constantinus cum liberis suis honorificas ad Antonium literas mittit. Constantinus extremo vitae suae tempore ab Eusebio Nicodemensi Episcopo baptizatus, in Arianum dogma declinat. Constantinus bellum parans in Persas in Aquiloni villa publica moritur, anno aetatis suae Lxi. post quem tres liberi eius Consules à Senatu appellantur & Imperatores.

c. al. quem Crispus & Lactantius in erudit. Corrigere hunc mendosum locum ex Eusebio Chron.

d. Ieronimus in Chron. Ancyron. Vide Euseb. in vita Constant. 4. capi. 61.

Romanorum XXXIV. regnauerunt CONSTANTINVS CONSTANTIVS & CONSTANS annos XXIV. menses V. dies XII. à quo multi nobilium sunt occisi. Sapor rex Persarum Mesopotamiam vastat, Nisibin obsidet. Dalmatius Caesar quem patruus Constantinus consortem regni filijs dereliquerat, factione Constantij patruelis & tumultu militari interimitur. Ex hoc loco impietas Ariana Constantij regis fulta est. Carceribus & varijs afflictionum modis primum Chanasium Episcopum persecutus est. iuxta Aquileam à se occiditur. Vario euentu aduersus Francos à Constante pugnatur. Multae orientis vrbes terrae motu horribili confederunt, Franci à Constante perdomiti, pax cum eis facta. Solis defectio. Bellum Persicum nocturnum apud Signera, victoriam militum stabilitate perdiderunt. Neque vero vllus Constantium ex nouem grauissimis praelijs contra Persas bellasse actius conspexit. Nam vt alia omittam, Nisibis obsessa, Nicea & Amida captae sunt. A quatuordecim millibus militum, sexaginta millia victa & capta.

leg. Constantinus iuxta Aquileam Alam.

b. Ieronimus in Chron. Singarum in quo victoriam militum stabilitate perdidimus.